

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第四二冊



責任編輯：孫言誠 賀 偉

ISBN 7-5333-0615-5



ZB38/03

四庫全書存目叢書·集部四二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 46.375 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第四二冊目次

集部·別集類

碧川文選四卷

〔明〕楊守陞撰
中國科學院圖書館藏明嘉靖四年陸鈞刻本

一

半江趙先生文集十五卷附錄一卷

〔明〕趙寬撰
遼寧省圖書館藏明嘉靖四十年趙檣刻本

一二二

柴墟文集十五卷

〔明〕儲巖撰
山東大學圖書館藏明嘉靖四年刻本

三八一

蔡文莊公集八卷附錄三卷（一）

〔明〕蔡清撰
武漢大學圖書館藏清乾隆七年遜敏齋刻本

五七九

碧川文選四卷

〔明〕楊守陞撰

中國科學院圖書館藏明嘉靖四年陸鉉刻本

附《四庫全書總目·碧川文選四卷》提要

碧川文選序

南京吏部右侍郎

恩陞尚書致仕碧川楊公自摘手稿凡一百五十三篇藏于家歿且十餘載矣嘉靖乙酉安慶守陸君鉉登為四卷題曰碧川文選梓之罕遺梓本并書屬公之子鴻臚署丞茂清君寓琳曰鉉選梓外王父集欲廣其傳得先生一言并諸奏稿得不益永耶琳竊念初被選廢吉士讀中秘書公時為侍講學士奉

命總領教事每進諸生于館下語之曰近世之學多不干心于其口耳不干道于其詞章浮誇為工奇僻為異叛經去理亦甚矣有志之士尚當於口耳詞章之外求之否則藝焉已耳聞得公筆削雖片楮隻字至今猶珍襲之何幸乃窺其全也閱終卷仰而嘆曰天地之道簡易而已矣時行物生無非至教公之文得無類之乎平

易明白典雅莊重縱橫反覆無非至理視浮誇
奇僻之言何啻玉之於石也蓋公自第進士歷
官翰林得與宗工鉅儒上下議論既有以傳其
見而家庭授受涵養陶成一切根諸心而律諸
道尤有以定其趨固宜其推之作人形諸著述
不徒口耳詞章之末也信可傳也已抑觀公所
自序與其序伯兄文懿公鏡川集始知公之學
受於文懿文懿之學受於其祖栖雲先生栖雲
之學私淑諸晦翁象山之徒之再傳者也遂有
以紹儒先之緒近有以領家學之傳其所由來
者漸矣然則公之文誠不可以藝目也將與栖
雲鏡川集並傳於天下後世無疑其昔蘇老泉
以文名世與其子轍軾相繼述作謂之三蘇集
今楊氏之文始於栖雲鏡川碧川後先並美其
所並傳者謂之三揚集亦可也然晦翁於蘇氏
之文往往有所譏議說者謂與道背馳宜為宗

正學者之所不與公世其學有蘇氏述作之盛
世其道無蘇氏背馳之譏則是集之傳必與天
壤俱弊也琳之名不托之以不朽哉謹歎祗而
終序之是年季秋廿二日也

賜進士通議大夫南京兵部右侍郎前奉

勅巡撫江西等處地方都察院右副都御史後

學莆田石峯陳琳書

序

碧川文集序

四明之山原泉出焉其流而爲川有名千丈鏡者有名一碧萬頃者吾家世居鏡川之陽碧川之陰二川同原分流而復合於一以達于郡城諸爲日月二湖而委輸于江海亦四明之勝槩也吾兄文懿公既號鏡川而命守陞爲碧川文懿所著有鏡川臺守陞學文于鏡川有碧川小臺蓋少作也自入翰林以文字爲職業應世之作多不存臺其僅存者爲編修時有玉署初臺爲兩京侍讀時有華省南北臺爲諭德時有東察拙臺爲學士時有北門漫臺年六十餘遷職南京吏侍恐衰年怠於進修扁其齋居曰乾乾以自勵比兩考以足疾再疏乞骸蒙

恩陞尚書致仕歸老日湖作蹇蹇菴以自命取見險能止反身修德之義也故晚年二臺以齋菴之名名之予老矣道德日負乎初心功業不

見於當世雖文藝之末猶不能自力而投止于此良可愧也病間檢閱舊臺因叙其所以名集與諸臺之所以名書于肯綮藏之家塾以示子孫庶幾手澤之存焉耳豈敢輕出之以見笑於大方之家哉

正德三年秋九月望蹇翁自序時年七十三矣

公原集諸臺總一千四百餘篇梓者一百

五十三篇皆公晚年手選蓋十之一也故

○序

名曰碧川文選而以舊序冠于首俾讀者

尚有望焉

嘉靖乙酉春正月外孫陸鉅謹識

碧川文選目錄

第一卷

序

辟雍賞策詩序

避塵集序

送雲南按察使劉公致仕序

雙松圖序

送沈君文進愈憲江西序

送鈕宗源節推之吉郡序

張氏哀集序

樂宜人輓詩序

送陝西按察副使曹君序

送劉仰止推府序

送汪敬夫知濬縣序

瓊林錫宴圖詩序

送安化鄭明府序

送祁宗規令唐山序

贈白秉德序

送御史陳君序

送長史蘇君之任序

贈方必明序

送諸太守之任瑞郡序

送汪蘇州序

送彭朝輝知仙遊縣序

送馮潤卿知武寧序

送王原常同知廣平序

嗜古楊君輓詩序

送廣東僉憲張君序

送信陽知州江君序

送按察副使張君之任序

送南京稽勲主事杜君序

吳越雨山亭圖序

送趙廷倚知宛郡序

成齋詩後序

朴菴詩後序

送朱宗原赴惠州河泊序

送王民望赴成都太守序

送通判武君之任白郡序

晚香詩後序

內鄉縣志序

送按察僉事林君序

送四川按察副使孫君序

贈江西參議朱君序

送南京戶部尚書潘公致仕詩序

第二卷

序

姜氏族譜序

送應天府尹于公致仕序

送楊質夫山西僉憲序

植拓翁孝行集後序

施應祥通判懷慶序

贈里士黃公受爵詩序

張世英字序

故兵部尚書王公輓詩序

蒙菴詩序

送安慶太守張侯序

送太守李君彥明之任泉郡序

送尹慶成赴紹興推官序

故刑部尚書謚康僖陸公輓詩序

送羅憲副赴瀘敘兵備序

渭陽餘意詩序

送戴師文叅政廣東序

簡命育英唱和詩序

送侍讀江先生將命荆藩詩序

送冬官副郎周君使魯府詩序

贈儲保都憲展公序

送陳時起赴福建按察副使序

送潮陽太守駱蘊良序

送戚憲副致仕序 贈兩高司訓序

四明舅甥三學士錄序

先兄文懿公文集序

送太子少保南京兵部尚書張公致仕序

送太子少保南京兵部尚書張公致仕序

送太子少保吏部尚書倪公詩序

送都察院左都御史戴公詩序

送南京光祿少卿汪君文淵致仕序

送都察院右都御史張公奉勅督漕運序

南京工部尚書董公介壽詩序

送學士馬先生良佐考績序

贈致仕少司空沈公詩序

桂巖書院題詠序

送都御史劉公巡撫寧夏序

壽大年林公七十序 錫命受服詩序

恩榮文翰錄序 浙元三會錄序

留餘存稿序 倬溪小稿序

壽卅山先生屠公七十序

瘦齋詩稿序

第三卷

記 傳 贊 書 奏

世美堂記 龍巖縣修城記

真定府元氏縣學記 齊山書舍記

和樂樓記 凝清堂記

萬玉帳記

彰德府重建安陽橋記 吉州重修城隍廟碑記

大興縣重修正陽關急遞總鋪記

常州府新建滿湖惠政橋記

祁門縣新修學記 祁門縣重建明遠樓記

都憲行臺重建記 寧國府涇縣仰賢公館碑記

常熟縣學重建 先聖廟記

蕪湖縣學尊經閣記

濬縣重修廟學記 樂北亭記

鄧縣學邊明倫堂建尊經閣記

安福伍氏兩祠堂記 陸氏南園先塋祭田記

寧波府重修禮殿儒學記

杭州府儒學重修記 劉憲使傳

巢松子傳

禮部侍郎兼翰林院學士贈禮部尚書程公像贊

贈吏部左侍郎吳公孟融像贊 原傳先生之父

林都憲半身小像贊

翰林侍讀白秉德發解像贊

上吏部請留成先生書

與屠朝宗書

論教祭酒司業奏

再論教祭酒司業奏

第四卷

墓誌 墓表 碑銘 祭文 詞 賦 題跋

松隱馮君墓誌銘 贈工部主事朱君墓誌銘

故毛大使墓誌銘 刑部員外郎徐君墓誌銘

封承德郎工部主事徐君墓誌銘

戚里黃公文暉夫人葉氏墓誌銘

故陳孺人成氏墓誌銘

明故封翰林院編修前戶部主事張公墓誌銘

贈翰林編修劉公夫人趙氏墓誌銘

故費通判妻羅孺人墓誌銘

明故都察院右都御史劉公墓誌銘

叔妣張孺人墓誌銘

封工部主事陶先生墓誌銘

汪處士墓表

故中憲大夫山東按察副使楊君墓表

鏡川楊氏先塋神道碑銘

大明南京大理寺卿夏公神道碑銘

大明故驃騎將軍綿衣衛掌衛事都指揮使朱公神道碑銘

贈資政大夫太子少保兵部尚書兼東閣大學士謝公神道碑銘

祭毛都給事文 祭武選主事楊景奇文

館閣祭曾文甫文 祭胡參政廷慎文

祭黃氏女文 祭張參政文

祭汪尚書先主文 祭劉祭酒先生文

東魯許先生哀頌辭 孤鳳詞 有序

憫貞賦

跋丘太守讀吳公孟融御飲書

書先兄九月詩後 前傳讀馬先生詩後

前傳讀馬先生詩後

書王氏輓詩卷後

碧川文選目錄

碧川文選目錄終

碧川文選卷一

序

辟雍賞葵詩序

人之好尚各以其類非其類而好之君子不與也天下之物有類乎人者若蓮之中通外直則花之君子也菊之寒香晚節則花之隱者也周濂溪是君子故愛蓮陶靖節真隱逸故愛菊非好其類耶竹之真心直節亦君子之類也王子猷愛竹而識者乃曰吾恐竹不愛子猷也蓋子猷之行君子所擬竹豈其類而愛之耶夫物也乃有類乎君子者隱逸者而為人所好尚人也反不如物而不為物所愛亦獨何哉吾友包君元用以辟雍賞葵詩俾余識其求余觀葵之傾心向日類乎臣之盡忠事主蓋花之忠臣杜少陵有言葵藿傾太陽物性固莫奪蓋少陵一飯不忘君故以葵自況亦所好其類者元用植葵於太學與同志者觴酒以賞之探韻以詠之且以一葵自號其好尚乎葵也亦至矣元用性剛而行方言論侃侃有古人風操異時進立於朝行已事上將必能以忠貞自勵吾不知元用之類乎葵邪葵之類乎元用邪元用與葵其必交相愛也夫君臣之義天下古今所同也觀是什者寧無有感而興乎

避塵集序

唐劇宴進士於曲江杏園故唐人詩有曲江池畔避車塵之句余嘗覽而笑之夫君子所性大行不加窮居不損得之不得有命存焉安得因一失得輒自沮茶以避人耶詩以道志則其志亦陋矣吾笑陸君抑之輒諸同志唱和之詩名曰避塵什問索予和且俾序之余曰唐人避塵之詩吾嘗笑其志之陋也今是什以避塵名迺猶襲其故武吾恐人之笑之猶吾之笑唐人也既而徐觀其詩見其深厚涵蓄優折風論思而不傷怨而不怒避觀而遠驚以沒沒於得戚戚於失者為可羞蓋取避塵之意而反之余然後

卷之三

一

撫卷而嘆謂不可以其名之猥同於彼而不察其志之有在乎此也世固有名似而志不然者昔韓魏公治相作堂名曰畫錦不知者視其名豈不疑公亦若昔人之夸崇于卿者哉然公之詩則以快恩讐矜名譽為可薄識者謂公不以昔人所夸者為榮而以為戒於此見公之志未易量也今諸君避塵之什名雖襲之志實反之蓋亦畫錦名堂之意歟則其志亦未可量而人又安得以吾之笑唐人者笑之哉故為和之且序之以復於抑之曰奇驥伏櫪志在千里吾儕之謂也異日伯樂顧之王良造父御之過都越國周流八極人之望之以為奔逸絕塵控右乎後矣避塵

云平哉避塵云平哉

送雲南按察使劉公致仕序

自孔孟沒而出處之道不明於天下世之學者反假其說以文其私患得之者曰孔子席不暇暖孟子千里見王也患失之者曰孔子無君則皇皇孟子去齊而不豫也嗚呼有孔孟之道則可無孔孟之道則鄙夫之事耳孔孟固欲其道之行何嘗不審於進而決於退故曰進以禮退以義士而學孔孟者其心難進而易退乎雲南按察使劉公安福世家也公以厚重之德淵博之學典贍之文自家食時已播聞於人人正統間其先忠愍公以言事忤權貴下請

卷之三

王

室以卒公奉太夫人家居杜門卻掃已絕意仕進既而朝廷自忠愍公之節賜之贈諡時刑部侍郎楊公巡撫江右雅聞公名詢諸學官知不仕狀召見與語慰籍再三強之入學公始幡然曰曩吾不仕不忍忘吾親也今終不仕其敢忘吾

君乎迺起應鄉舉遂擢春秋魁登甲戌進士第自翰林庶吉士拜監察御史陞按察副使提學江浙尋遷按察使皆循資以進多歷年所計其同年及後限者已為方伯為都憲為六卿之貳據要津積勳者比肩立而公自內艱服闋猶仍前職以貳畏馬足馳滇南萬里外一時柄用方能

陸人者亦多公所舊識未嘗一通書問以求推挽其心
泊如也用是觀之公可謂難進者非耶今年春以述職至
京師時已感霜露之疾猶日詣臺省疏其劄之當黜陟者
侃侃與當路言之已而或不如其指公喟然曰吾病宜去
吾廉一道不能進退屬吏惟人之為宜去吾為外臺而意
留與中臺不協又宜去適以疾丐老持衡者勉留之公益
力遂請於

上而允之年纔五十有七耳公其可謂易退者哉士目挾
策讀書皆曰吾學孔子吾學孟子至於出處之際能不愧
焉者寡矣若公之進退能以禮義自將而不失其道蓋善

雙松圖序

學孔孟者歟公之職風紀也著廉明之聲理刑獄也存欽
恤之意提學政也作興材賢之功尤多故折士出公之門
而仕于 朝者各賦詩以餞其行楊君文卿與守陞又最
辱公之愛者文卿悉取詩次第之而謂守陞宜序弗敢辭
也遂據公出處之大節可以厲世者書之首簡云

雙松圖序

雙松圖者吾友張君惟深壽其二親者也壽其親也而以
圖者何居蓋以寓其壽之意也凡圖之作皆意之所寓
天地之意寓於龍馬之圖聖賢之意寓於先天太極之圖
此其大者而近世之壽人者或為老子之圖或為范蠡之

圖或為松鶴之圖亦各以寓其意焉耳惟深之為是圖也
吾知其所寓之意也蓋其尊由典史公與母孺人偕老于
家今壽皆七十矣惟深應進士舉離膝下者三年迺今謁
告歸省將升堂拜慶泰前獻壽其何以寓祝頌之意乎惟
植物之壽者莫如松栢詩曰如南山之壽如松栢之茂語
云歲寒然後知松栢之後凋也然傳記之言壽物者一則
曰千歲之松一則曰大松千歲而栢不與焉則松其尤壽
者乎以壽之尤者壽其親欲二親之壽如雙松之壽也惟
深之意寓之於圖者其然乎然余亦因是以寓吾意焉吾
聞千歲之松其流脂結而為茯苓茯苓又化而為琥珀其
喬拔鉅幹聳壑而昂霄者可以為梁楠舟航之具誠非凡
木之可倫也與史公負鼎持之材少試於時急流勇退而
不究其用今惟深與其弟惟遠方積學勵行駸駸然向用
有日矣其將結為茯苓以與紅膏鍾乳為世之藥石乎其
將化為琥珀以與球琳琅玕為天下之寶乎其將用為梁
楠為舟航以資大廈而濟巨川乎若然則足以貽觀之令
名而壽其親於千載之久矣此又吾意之所寓者也惟深
以為何如也哉

送沈君文進會憲江西序

歲化十四年秋刑部員外郎沈君文進被

有權江西按察僉事其鄉友若主事陳君隱之者屬余贈
言且曰文進仁和人也有少穎敏好學從今南京太常
少卿鄭先生受易得其肯綮越數年遂以易學擢進士高
第尋拜秋官主事剛正廉恕激議明允嘗按獄德州貪鄙
伏辜士論稱愜已而遷秩副郎聲望益著先是廣東河南
皆缺僉事天官輒以其名薦

上未即授適今有江西之命蓋慎選也願一言以贈之余
謂作室問諸梓人操舟問諸津人專其業者無能道其善
也司寇之屬按察之官皆職邦之刑憲者匪之於文進不
自贈之言適以屬余不亦左乎然余雖未嘗職刑顧嘗學

君川文進

六

易易之道廣大悲憫聖人政治之法若禮樂征伐食貨刑
獄之類無不具焉而刑獄者民命之攸繫王政之大端聖
人尤重之而語之特詳若訟與噬嗑諸卦不一而足也故
明平易則明乎刑矣試舉其一二言之豐曰君子折獄致
刑旅曰君子明慎用刑中乎曰君子議獄緩死三者雖各
因卦而發亦未嘗不相為用故明以折獄必盡其情偽威
以致刑不奪於威富慎以用刑不輕出有罪而失入無辜
然尤議之緩之而忠誠惻怛之意常行於法律之中理刑
之道盡於是矣文進之居刑曹也既以剛明廉恕著聞於
人其有得於易之道者耶大江之西文獻甲天下然其民

俗之忠訟與吏之漁害其民者皆須刑以齊之也文進往
焉尚秉其道而子民萬不辭以求稱

朝大選任之意哉雖然易之道不啻一刑獄事也文進得
於易者非獨堪一食憲職也將有遠且大者而其進庸可
量乎余以文進隱之皆明易者人皆司刑者故不以他說
進而以易論刑云

送鈕宗源節推之吉郡序

大江之西吉為雄郡統邑惟九環地幾二千里田賦浩穰
戶口蕃衍藝文儒術之盛甲諸郡然其民俗囂訟號稱難
治故吏其土者望而懼之至則張聲威嚴禁防待之以待

君川文進

七

囂訟之意繩之以繩囂訟之法重猶莫辯玉石俱焚民既
不堪而吏卒不足遂以為果難治也於戲民之囂訟其性
然邪習使然也性善而習不善其不可移乎渤海得一龔
遂則剗戟之民可使之帶牛佩犢駭越得一任延則淫汙
之俗可使識父子夫婦之道以頑民待殷人何以責其不
頑以齊魯之人待蜀人則蜀人亦以齊魯之人自待其身
其效槩可見矣今之古古之齊魯也其民豈皆囂於訟者
哉蓋有迫於不得已陷於不自知與不得其平而鳴者是
宜深察其情別白其事存哀矜勿喜之意可也若其舞文
衷姦詐誣殺害是真囂於訟者姑惟禁之禁之不止而後

刑以齊之則刑一人而萬人服矣胡可例以珥筆之民待之而注刑以逞哉孔子曰聽訟吾猶人也必也使無訟乎蓋正本清源之道有出於法律聽斷之外者不是之務而諉曰民之嚚訟難治其亦可謂厚誣也哉會稽鈕君宗源以進士拜命為吉之推官余與同年友白君瑩之輩錢之瑩之謂余宜贈言故述所聞以告宗源明達而謹厚其必知所以待吉民者尚於本源之地加之意焉則治化興行直易然耳瑩諫之風著於推雅州之日宰相之才見於推穎州之時古人蓋有然者今將不在吾宗源乎

張氏哀集序

張氏哀集序

象山張君暉吉始以其父淳庵之命學於余兄余辱交最厚知暉吉之立心造行為君子又知淳庵之所為為善人也暉吉去成進士聞淳庵卒求余兄誌其墓已而服闋拜大行人將命郡國清節揚甚余偕計至京暉吉嘗以淳庵之狀見屬諾而未為也未幾暉吉病其室繼之先卒再旬而暉吉又卒無子惟一女未數月亦卒暉吉之病也余與其長友寧海呂君彥成朝夕視比其卒也余兩人慟哭以其遺言從事緇紳哭吊奠賻為詩歌以輓之者甚夥給事中杜君宗岳合凡贈賻以佐喪具章君元益為狀其行余兄銘其墓余又為先所請淳庵之狀復取諸作撫為一

冊首淳庵之狀與其銘次暉吉之狀與其銘文次輓歌而末以贈賻之氏名附焉名之曰張氏哀集嗚呼淳庵善人也有暉吉為其子而吾兄銘其墓亦足慰矣暉吉君子也不祿且無後豈不可哀耶然吾嘗見權貴之門趨者如市輸珍贗貨道古今而譽勳德者不可勝計究其死矣人皆嚙而去之孰肯為之一涕雖有子若孫挾貲購文於著作之家人亦愧其行而羞為之言暉吉平生勢位不足以動人其死既無後矣而吊哭奠賻者至行狀墓銘輓歌非有為求之也而作者若是乎矜者蓋暉吉之賢有以啓人之景慕而其不祿無後更有以增人之哀悼也夫為人而得人之哀慕至是亦可以表見於後其視前所云者不既多乎然則權貴不足羨而暉吉之不祿無後以從淳庵於地下亦可無憾也歐陽子有言為惡者有後而無益為善雖無後而不朽信矣暉吉之從子武諒扶輿還葬適為序茲集以歸之

樂宜人輓詩序

宜人楊氏南寧樂公宗堯之配也公以進士拜禮部主客主事遷儀制員外郎復陞主客郎中宜人以公之爵始封安人再加宜人鳳勅驚諸前輝後映既光顯矣今其歿也公謁余序其輓詩哀感踰常若深悼其不

幸者余言之公曰是嘗與吾居隱約同甘苦台人所謂糟糠之妻者也吾家屢燬而復植吾身貼危而復安吾親終始之不虧而將祭之無違言學而仕無內顧之憂者皆吾妻有力焉余嘗既被誹謗

聖恩寬大俾得以冠絰退處將買田橫浦之濱與吾妻歸老課農教子附足繁縷以歡太平而樂餘年也然吾猶以事牽迺令吾子侍吾妻先還不幸道病舟次而歿上新河以卒遺言以不及見吾為恨悲乎哀哉吾哀其以月託言吾不得相携以歸相扶其病相守其死也吾哀其疾早之時南憶家鄉北懷京邸縮地無術而委命江湖之上也吾

古詩文選卷一

十

哀其兩月之暫違為終天之永訣也吾哀其勤瘁之日多光榮之時少余吾又貽之憂而使辭歸至於斯也吾悔曷可追吾痛曷有極邪惟是縉紳大夫與吾將者多為輓詩以哀之願一言以志吾之戚也余為之喟曰古之所謂哀輓之詩者必有非常不幸之事若黃鳥之哀三良雖露蒿里之輓田橫者是已向使三良以壽終田橫不道死則其詩必不作矣故為輓詩者必其事之出於不幸而異於常情然後作之迺為得其餘韻不然不作可也世固有夫妻鵲老死牖下人猶為之哀輓者是殆無病而呻吟茹辛而強其淚也不已戲乎若宜入者信如公言非所謂悲於

常情而出於不幸者乎是宜公之哀戚踰常而諸公為之輓詩也余亦安忍不為之序哉故為次其語以書諸首簡

送陝西按察副使曹君序

成化十五年春山東缺按察副使家宰以監察御史曹君維禧堪其任薦聞于

上未及用也既而陝西缺副使復薦之亦未即用未幾又缺又薦之一時三薦

上竟用之輿論皆以為大臣果於薦士

天子審於用人曹君必能不負所薦稱厥任用者噫君

古詩文選卷一

十一

何以致是哉其素所樹立者有在也蓋君之尊甫列職錦衣君弗襲而讓之弟迺衣逢振遊膠庠擢餉翰以與英俊角逐捷京闈第進士人固已奇其能及其為御史也監倉通州則宿蠹以剔振饑畿內則流等以蘇巡水同則以計取貪殘之帥置之法滋宣府則親督兵禦倭俘其人而獲其輜重按河南則屏奸賊理冤抑嚴貢課而杜倖私在在聲績彰著人於是益器其才以故受知當道一薦不已至再三必用之而後已也昔趙普於太宗祖時嘗欲除某人為某官不合帝意不用明日復奏之帝又不用明日又奏之帝裂其奏普歸補綴而復進之帝

用之果稱呂蒙正在真宗時帝命選才可責以便宜
者蒙正退以名上帝不許他日三問三以其人對既而
用之亦稱職古之大臣灼知其人可用故薦之必果用
之必稱慈君今日之舉殆亦此類也以君才已著者占
之則將來之必稱職其可前知乎余聞陝西當師旅饑
饉之餘兵民疲弊已甚然黠風之侵牟不少大羊之窺
伺莫測蓋有深可慮者則夫派揚風紀糾察吏治緩內
境以嚴外防使朝廷無西顧之憂是固職按察者之
責也君尚懋之以靈承

君相薦用之意大慰輿情之望我君之行其僚友屬望

書川文集卷一

十一

宗輩屬余贈之言遂書是以歸之

送劉仰止推府序

安仁劉君仰止以進士推官於婆羅改之薦紳大夫士
欲贈其行迺推黃門童君勉和靖言於余余雅交勉和
而於仰止為同年友義不可辭諾焉越三日勉和速余
文使介旁午余迫私冗未及為明日王君允達寔來兄
達發人亦同年也又速之且曰今之求文於著作家者
必越月踰時迺僅得之今固不宜促也然仰止請已戒
行非子之文何以為贈子寧不能一搢觚以為吾輩地
乎余應之曰長袖善舞多財善賈吾博學不如劉向強

記不如李邕倚馬成文不如袁宏太白也何能操觚立
就如子之言乎且疾行無善步文敏有累句雖枚策所
不能免以余之寡陋者乎速之不能成成之亦不美姑
緩之然後可無已則有一焉試與允達談之文之欲速
不能美其文猶政之欲速不能善其政也水急則無洋
洋之魚政急則無皞皞之民政之於民猶張琴瑟大絃
急則小絃絕矣而刑又政之大者民命之所關猶不可
以急也急之則以察為明以苛為能輕重失實高下任
情刑罰不中而民安所措其手足耶詩曰不剛不柔敷
政優優書曰欽哉欽哉惟刑之恤哉孔子曰欲速則不

書川文集卷一

十一

達又曰議獄緩死是不可不深長思也余聞仰止承其
尊甫教授公之家學於詩書孔子之言已既聞之必知
所以善其政刑矣余特因允達之速余文也故及之夫
文之欲速第不美其文耳今余不得已猶得苟焉以應
之若刑政之急則其敝有不可勝言者仰止當自審處
不可如余文之苟焉也允達其以復勉和而膏告之哉
應曰諾遂書之

送汪敬夫知濬縣序

成化十五年秋九月有司承詔選進士之堪給事中
者得二十余人始執汪君敬夫與同鄉一人預焉既而